



VEPRIMET E NDALUARA PËR NXËNËS:

- Mungesa pa arsyе nga procesi mësimor
- Prishja e qetësisë dhe disiplinës gjatë orëve mësimore në klasë dhe në korridore; hyrja në klasë pasi ka rënë zilja
- Mbajtja e mjeteve të rrezikshme, armëve të ftohta dhe zjarrta si dhe mjeteve tjera të ndaluara
- Veprimet e dhunshme dhe të pahijshme ndaj shokëve e shoqeve, arsimtarëve dhe personelit tjetër
- Dëmtimi i bazës materiale tekniqe dhe didaktike të shkollës
- Mbajtja dhe konsumimi duhanit, alkoolit dhe drogës
- Përdorimi i telefonit celular në orë të mësimit dhe gjatë orëve praktike
- Veshja e nxënësve që nuk është në përputhje me rolin edukativ që ka shkolla.
- Përdorimi i ushqimit gjatë orëve të mësimit

NXËNËSIT KANË TË DREJTË :

- Të shkollohen dhe të kenë kushtet e duhura për arsimim bazuar mbi ligjet e Kosovës dhe ato ndërkombëtare
- Të shprehin lirisht mendimet e tyre për çështjet që kanë të bëjnë me ta, me klasën apo shkollën e tyre
- Të ankohen kur gjykojnë se kanë të drejtë
- Të informohen mbi të drejtat e tyre, të njoftohen me konventat e të drejtave të fëmijëve dhe të kërkojnë respektimin e tyre nga të tjerët
- Të organizohen dhe të jenë pjesë e strukturave të shkollës për të marrë pjesë në vendimet që kanë të bëjnë me shkollën
- Të marrin pjesë në veprimtaritë kulturore, artistike, sportive, garat e dijes, etj. që zhvillohen në shkollë dhe jashtë saj
- Të informohen për vlerësimet e dijes që kanë marrë dhe të diskutojnë lidhur me to



Save the Children

të DREJTAT dhe
PËRGJEGJËSITË



Syri i Vizonit



KODI I MIRËSJELLJES NË SHKOLLA

Ky dokument është hartuar duke u bazuar në disa dokumente dhe në standarde ndërkombe të tē drejtave të njeriut për të drejtat e fëmijëve. Kodi i mirësjelljes në shkollë është i bazuar në "Kodin e mirësjelljes dhe masat disiplinore për nxënës të shkollave të mesme dhe të larta" të hartuar nga MASHT, në rregulloret komunale të atyre komunave që kanë miratuar rregullorë të tilla duke u bazuar në Ligji Nr. 04/L-032 për Arsimin Parauniversitar në Republikën e Kosovës, në bazë të nenit 22. pika 1 dhe 2, të këtij ligji si dhe në pajtim më statutet komunale
dhe ligjin për vëtqeverisje lokale kanë nxjerr dhe miratuar rregullore komunale Mbi rregullat e shkollës, të drejtat, obligimet dhe disiplinën e nxënësve është në përputhje me Konventen ndërkombe të tē drejtave të fëmijëve. Përbajtja e Kodit ka marrë formë gjatë takimeve dhe punëtorive të mbajitura në gjashtë shkolla të mesme të ulëta: shkolla e mesme e ulët "Xhemail Kada" në Pejë, "Zekeria Rexha" në Gjakovë, "Bedri Gjinaj" e "Andon Zako Çajupi" në Mitrovicë dhe "Jeronim De Rada" e "Tefik Çanga" në Ferizaj, në të cilat me këshillat e shkollës janë diskutuar çështjet e të drejtave, detyrave dhe përgjegjësive të nxënësve në procesin arsimor. Ky kod i mirësjelljes është ikuadër të projektit "Together 4 Children Rights - Child protection and Child Right Governance" (që mbështetet financiarisht nga organizata ndërkombe "Save the Children"), që ka për qëllim të ndihmojë fëmijët, organizatat e ndryshme dhe shkollat në mbrojtjen e fëmijëve nga dhuna, që t'i shndërrojë shkollat në vende të sigura për fëmijët dhe ndihmojë krijimin dhe forcimin e mekanizmave përmbytjen e fëmijëve në komunat Pejë, Gjakovë, Ferizaj dhe Mitrovicë.



OBLIGIMET E NXËNËSVE :

- Të vijojnë mësimet sipas orarit të mësimeve të pajisur me mjetet e domosdoshme mësimore
- Të respektojnë shokët e shoqet e shkollës pa asnjë dallim, arsimtarët dhe punëtorët tjerë të shkollës
- Të mos prishin qetësinë dhe të mos pengojnë të tjerët në zhvillimin normal të procesit mësimor
- Të mbajnë uniformën e duhur gjatë mësimit, praktikës dhe edukatës fizike
- Të arsyetojnë mungesat dhe të informojnë me kohë mësimdhënësin dhe prindin lidhur me çdo mungesë
- Të kujdesen për ambientin ku jetojnë, higjienën në shkollë dhe të ruajnë inventarin e shkollës



VEPRIMET E NDALUARA PËR MËSIMDHËNËS

- Përdorimi i çfarëdo dhunë fizike apo psikologjike ndaj nxënësve
- Përqeshja për fëmijët që kanë çfarëdo specifike që i dallon nga të tjerët
- Nënçmimi i personalitetit të fëmijës, apo përkatësisë në çfarëdo lloj grupi nga origjina apo përcaktimi i tij dhe familjes së tij
- Mosbatimi i planit dhe programit, arsimor, orarit dhe detyrave tjera
- Diskriminimi i dinjitetit të nxënësve dhe pengimi i fëmijëve për të shprehur kureshtjen e tyre, mendimet dhe qëndrimet për çështjet që kanë të bëjnë me ta.
- Vonesa në orën e mësimit
- Përdorimi i celularit dhe pirja e duhanit në orët e mësimit dhe brenda objektit shkollor.
- Veshja e mësimdhënësve që nuk është në përputhje me rolin edukativ që ka shkolla.